



Synfocity = 711

mail us at : mzsynfo@gmail.com; mizoramsynod@gmail.com - Phone - 2314648

November 15, 2018

□ Synod Committee peng hrang hrang an thu

Synod Inkhawmpui atana Synod Department hrang hrangte inruahman lawkna Committee chu Oct. 22, 2018 a tang khan neih chho zel a ni a, Nov. 13 - 15, 2018 chung khan Synod Executive Committee (SEC) vawi 275-na chu J.M Lloyd Hall, Synod Office-ah an thu a, SEC meeting hi Synod Moderator Rev. F. Lalrinnunga'n a kaihrui a, Secretary report Upa R. Dengzikpuia'n a pe a. Report-ah chuan Kohhran inpumkhatna leh thawh hona Seminar thawh hnihna neih a nih thu te, Kohhran hming ziah dan chungchang te, CSI Pastor-te Refreshers Course neia an lo kal chungchang te, OM leh PCI Manipur Area Study Team te nena inkawm chungchang te, leh R.C leh R.L pek zatte ngaihthlak a ni.

Tun tum SEC-ah hian thurel tur 86 lai chhawp chhuah a ni a, chung zinga a langsar zual deuhte chu - MSSU inkaihhruaina en that rawtna te, HIV/AIDS dona kawnga hma lak dan tur ruahmanna chungchang te, Christian College din chungchang te, Synod Pandal structure chungchang te, Tripura Area-a rawngbawl chungchang te leh thil dang hrang hrangte an ni. Nov. 19 - 21, 2018 chung hian Finance Committee an thu ang a. Nov. 23 & 24, 2018 ah SEC Budget Session an thu leh ang.

Tun tum SEC-ah hian Kum 2019-2021 Executive Secretaries tur mi 3 thlang turin mi 15 hming chhawp chhuah an ni a. Chung zinga Synod Executive Committee (SEC) Members mi 130 chuangten secret ballot hmanga an thlan zinga vote hmu hnem ber ber 3-te chu tlinga puan an ni a. An pathum zinga kum lama upa ber chu Senior Executive Secretary a ni ang a, a dang pahnih chu Executive Secretaries an ni ang.

Thlan tlinte chu hengte hi an ni:

1. Rev. Lianhmingthanga Sailo (Senior ES)
2. Rev. B.Sangthanga (E.S)
3. Rev. K.Lalrinmawia (E.S)

Synod Inkhawmpuiah palaiten an pawmpui hunah kum thum term atana Executive Secretaries atana tihfel an ni ang a. 2019 January thlaa Synod Office hawn ni-ah an hna thar hi an chelh tan ang. Synod Mission Board Secretary atan Rev. C. Zoramawia thlan a ni bawk.

□ Praise On 2018

Synfo Praise On 2018 Top 10 intihsiakna chu tluang taka zawh a ni a, Nov. 9, 2018 (Zirtawpni) zan khan result puanna leh lawmman semna neih a ni.

Result puan leh lawmman sem inkhawm hi Nov. 9, 2018 (Zirtawpni) zan dar 8:30 khan Mission Veng Kohhran Hall-ah neih a ni a, Pastor R. Lalhmingthanga, Moderator Elect & Pastor i/c Mission Veng Pastor Bialin hunserh a hman a, Upa V.L. Muanchhana, Secretary, Organising Committee hnen a tangin Report ngaihthlak a ni. Mizoram Synod Choir, Dam Veng Branch KTP Group (Winner Praise On 2017), Fakzai House Band leh Praise On 2018 Pakhatna te an zai bawk. Top 10 leh mimal ti tha lawmman semna neih a ni a, Judge, Guest Judge leh Show thlengtu Mission Veng Branch hnenah thilpek hlan an ni bawk. Rev. B. Sangthanga, Exe. Secretary i/c Synfo/CKTP in lawmthu sawina hun hmangin malsawmnain inkhawm a tin a ni.

Praise On 2018-a Top 3 te chu :

- Pakhatna - Electric Vengthlang Branch (Rs. 1,00,000/- + Trophy + Citation)
- Pahnihna - Chanmari West Hmarveng Branch (Rs. 50,000/- + Trophy + Citation)
- Pathumna - Ramhlun North Branch (White) (Rs. 30,000/- + Trophy + Citation)

Consolation Prize dawngtute chu :

- Dawrpui Vengthar Branch Band 2 (Rs. 5,000/- & Citation)
- Chaltlang Branch Band 1 (Rs. 5,000/- & Citation)
- Republic Veng Branch (Rs. 5,000/- & Citation)
- Khatla East Branch (Rs. 5,000/- & Citation)
- Chaltlang South Branch (Rs. 5,000/- & Citation)
- Dawrpui Branch (Rs. 5,000/- & Citation)
- Leitan South Branch (Rs. 5,000/- & Citation)

Mimal (Individual) ti tha lawmman late :

- VOCAL : Vanlalmalsawmkima, Dawrpui Branch - Rs. 5,000/- & Citation
- GUITAR : Lalruatdika, Ramhlun North (White) - Rs. 5,000/- & Citation
- BASS : Albert Laldusaka, Chaltlang Band 1 - Rs. 5,000/- & Citation
- KEYBOARD : Rinsangzuala, Republic Veng Branch - Rs. 5,000/- & Citation
- DRUMS : B. Malsawmdawngliana, Chanmari West Hmarveng Branch - Rs. 5,000/- & Citation

Contd...

- ❑ **PCI Mumbai Kohhranin Hyderabad Kohhran an tlawh**
Nov. 11, 2018 (Pathianni) hmangin Mumbai Kohhran chuan Hyderabad Kohhran an tlawh a, member 52 kan kal thei a ni. Pathian Biak Inkhawm leh Inpawlhona Fellowship hun hlim tak an hmang ho a, hlawk an intiin zawngchhangtlak an ti hle. Hyderabad Kohhran hian ruai wawi 2 an lo buatsaihsak a ni. Mumbai Kohhranah hian member 370 vel an awm a, Hyderabad Kohhranah member 250 vel an awm bawk a. Nikum (2017) khan Mumbai Kohhran hian Bangalore Kohhran an lo tlawh tawh bawk a ni. Mumbai leh Hyderabad-ah hian Kristian Thalai Pawl chak tak a ding ve ve tawh a, Mumbai Kohhranah hian Kohhran Hmeichhe Committee a ding tawh bawk a, thla tinin Buhfaitham pawh an lakhawm ve thin a ni. Mumbai leh Hyderabad Kohhrante hian tirhkoh 5 ve ve SMB kaltlangin an chawm mek bawk a ni.
- ❑ **Synod Social Front**
Nov. 17 & 18, 2018 hian E. Lungdar Venghlun Bialah Moral Reforms Campaign neih a ni dawn a, campaigner-te - Rev. K. Lungmuana leh Upa H. Ngurthansanga te an kal ang.
- ❑ **Kohhran Hmeichhia**
Nov. 16 - 18, 2018 chung hian Delhi Mizo Presbyterian Kohhranah Leadership training leh Kristian Chhungkaw Campaign neih a ni dawn a, Pi K. Lalliantluangi, Chairman leh Pi Lalpianthangi Hrahsel, General Secretary te an kal ang.
- ❑ **Awareness 2018**
CKTP-in HIV/AIDS leh ruihhlo chungchang inzirtirna "Awareness 2018" a buatsaih dawn. KTP General Conference wawi 57-naa lo rel tawh angin, CKTP chuan HIV/AIDS leh ruihhlo leh a kaihhnawih dona kawnga hma a lakna kal zelah November ni 16 Zirtawpni zan hian Vanapa Hall, Aizawlah HIV/AIDS leh ruihhlo leh a kaihhnawih chungchang inzirtirna hun, Awareness 2018 an buatsaih dawn. Awareness 2018-ah hian zaithiamte an zai ang a, mithiamten thu an sawi ang. Zaithiam zai turah zingah hian Andrew Laltlankima, Kolasib, Laldusaki, Durtlang; Ruth CVL Muanpuii, Dawrpui Vengthar; Zorinsanga Sailo, Ramhlun North; R. Lalrinmawii, Leitan; Cindy Lalthanpuii Pachuau, Tlangnuam Dam Veng Branch te bakah Awareness 2018 pual hian live band pahnih din a ni a, heng band-te hi an zai bawk ang. Ramthar Bial ten Faklam an entir ang a, Tuikual Bial-in skit, Chawnpui Bialin Shadow play leh Bungkaw Bial ten Projection Dance an ti bawk ang. Awareness 2018 pual hian Luangmual Bialin video clip an siam chu enhu a ni ang. CKTP Leader, Rev. Dr. K. Lallawmzuala te, Dr. RL Sanghluna, Upa Dr. C. Lalhrekima, Synod Executive Secretary i/c KTP Rev. B. Sangthanga leh C. Lalchhuanzuali ten HIV/AIDS leh ruihhlo leh a kaihhnawih chungchang an sawi dawn a ni.
- ❑ **Worship Deptt.**
 - ♦ Nov. 10 & 11, 2018 khan Thuampui Bialin Hla Kutpui an hmang a, instructor 3 - Pu H. Lalrinmawia, Tv. H. Lalthazuala leh Pu. C. Zirlianthanga ten an hmanpui.
 - ♦ Nov. 15 & 16, 2018 hian Baktawngah Vocal Training neihpui turin Tv. H. Lalthazuala, instructor a kal.
- ❑ **Revival Deptt.**
Nov. 6 - 10, 2018 chung khan Synod Revival Camping Centre, Neibawihah Camping neih a ni a, Speaker T.Upa Johnny R. Lalmangaiha, Nehemia Gospel Team a ni. Camp-a lut zawng zawng hi mipa 33 leh hmeichhia 3, an vaiin 36 an ni a, Camp-ah hian kohhran hrang hrang leh veng hrang hrang 11 atangin an lut a ni. Camp chhunga mawhphurhna hrang hrang hi ITI Pastor Bial ten an buaipui a ni.
- ❑ **Hruaina Eng FM Radio**
 - ♦ **NOVEMBER 16, 2018 (FM Zoawi Aizawl & FM Lunglei @ 7:30 p.m.):**
Zaipawl - TBZ : Khawvel hrut chhuak ila, Solo-Zorema Khiangte : Rinna vang a ni, Thusawi-Dr. Sanghluna : Mizo Thalaite leh ruihtheih thil ruihhlo, Group zai : The Rubber Band - Danglam ngam, Zaipawl - Presbyterian choir : Vanram
- ❑ **Hruaina Eng TV Programme**
Susamachar Prasaran Programme
 - ♦ **NOVEMBER 18, 2018 (Pathianni) 5:00 pm. :**
Group/Choir/Solo : Chanmari Masihi Sangati - Aaradhana, Group/Choir/Solo : Durtlang Masihi Sangati - Halleluia Chorus, Sermon : Lalhruaitluanga - Isu Kaun hai, Group/Choir/Solo : Luangmual Bial Masihi Sangati - Mere Geeto, Group/Choir/Solo : H.Vanlalringa - Tere Charno
 - ♦ **NOVEMBER 18, 2018 (Tv Programme) @ 4:00 - 6:00, 8:00 - 9:00 p.m) :**
Weekly Round Up, Sermon : Upa DP Biakkhuma - Rorelna Dik, Sawihona : Kohhran leh Politics - I
- ❑ **Moderator Programme**

Nov. 18, 2018 Pathianni	Chawhma Ramhlun Sport Complex Kohhran	Ramhlun Vengthar Bial
Nov. 18, 2018 Pathianni	Chawhnu Ramhlun Vengthlang Kohhran	Ramhlun Vengthar Bial
Nov. 18, 2018 Pathianni	Zan Ramhlun Vengthar Kohhran	Ramhlun Vengthar Bial